

թերթը, — հանքերն ամայացան, հեռախոսային կապը հանքերի և գործարանների միջև կտրված է: Բանվորները ներկայացրել էին տնտեսական պահանջներ⁶⁵:

Կազմվեց գործադուլային կոմիտե, որը ձեռնարկատերերին ներկայացրեց բանվորների պահանջները՝ բաղկացած 27 կետից: Այդ պահանջները հիմնականում հանգում էին հետեւյալին. 1. Սահմանել 8-ժամյա բանվորական օր, 2. վերացնել տուգանքները, 3. ավելացնել աշխատավարձը, այն վճարել յուրաքանչյուր շաբաթվա վերջում, 4. դադարեցնել աշխատանքները տոն օրերին, 5. ապահովել բանվորներին հիվանդանոցով և բժիշկով, 6. բացել երեկոյան դասընթացներ հայերի և ադրբեջանցիների համար, 7. աշխատանքից ազատել միայն բանվորական ներկայացուցչության միջոցով, վճարելով երեք ամսվա աշխատավարձը, 8. հիվանդության ժամանակ բանվորներին բուժել հանրատիրոջ հաշվին, 9. որպես պարգև աշխատավարձն ավելացնել յուրաքանչյուր տարի 20 տոկոսով, 10. գործադուլի օրերը հաշվել լիովին, 11. հանքերում էլեկտրական լուսավորություն անցկացնել, խոկ որտեղ այդ հնարավոր չէ. նավթի փոխարեն գործածել մոմ, 12. հանքերում սահմանել 6-ժամյա բանվորական օր և այլն:

Գործադուլի օրերին բանվորներն անընդհատ միտինգներ, ժողովներ էին անում, որտեղ ելույթ ունեցողները քաղաքական ճառեր էին արտասանում: Լուր ստանալով գործադուլի մասին, կադակների ուղեկցությամբ այնտեղ շտապեցին հանքատերերը և գավառական վարչության ներկայացուցիչները: Սկսվեցին բանակցությունները գործադուլային կոմիտեի հետ, սակայն դրանք ոչ մի արդյունքի չհասցրին: Զկարողանալով ընկճել բանվորների դիմադրությունը, գործարանատերերը վերջի վերջո զիջեցին և ընդունեցին նրանց պահանջների զիսավոր կետերը: Մարտի 29-ին գործադուլավորներն անցան աշխատանքի:

1907 թ. ապրիլին Ալեքսանդրապոլում և Երևանում տնտեսական հողի վրա գործադուլ հայտարարեցին քաղաքի հրուշակաբանների վարպետներն ու բանվորները: Հուլիսի 3-ին Երևանում գործադուլ արեցին Հակոբյանի, Ալվազյանի տպարանների, Տեր-Նիկողոսյանի և Առաքելյանի կազմատների բանվորները: Նրանք ներկայացրին 15 կետից բաղկացած պահանջներ, որոնցից զիսավորները՝ 9-ժամյա աշխատանքային օր սահմանելու և աշխատավարձն սովելացնելու հարցերն էին: 1907 թ. օգոստոսի 22-ին Երևանում գործադուլ հայտարարեցին նաև ինժեներ Միրզոնիս պատկանող ձիաքարշի բանվորներն ու ծառայողները: 1907 թ. նոյեմբերին հուլումներ ակեցին Ալավերդու հանքարդյունարանական բանվորների շրջանում:

Այսպիսով, 1906—1907 թվականներին ևս, ինչպես ամբողջ երկրում, այնպես էլ Անդրկովկասում ու Հայաստանում շարունակվում էին հեղափոխական գոտեմարտերը:

6. ՌՍԴԲԿ ԲՈՒՇԵՎԻԿՅԱՆ, ԿԱԶՄԱԿԵՐՊՈՒԹՅՈՒՆՆԵՐԸ ԸԱՅԱՍՏԱՆՈՒՄ: ԵՐԿՐՈՐԴ ՊԵՏԱԿԱՆ ԴՈՒՄԱՆ: ՀԵՂԱՓՈՒՈՒԹՅԱՆ ՊԱՐՏՈՒԹՅՈՒՆԸ

Տակավին XX դարի սկզբներին Հայաստանի քաղաքներում և գյուղական վայրերում հիմնադրված մարքսիստական խմբակներն ու կազմակերպություն-

⁶⁵ Նույն տեղում:

ները զգալի աշխատանք էին կատարել։ Արդեն 1902—1904 թթ. բանվորական շարժման առաջին քայլերին համընթաց ստեղծվեցին Լոռիի, Երևանի, Ալեքսանդրապոլի և այլ վայրերի ՌՍԴԲԿ կազմակերպությունները, որոնց ընդհանուր ղեկավարությունն իրականացնում էր ՌՍԴԲԿ Կովկասյան միութենական կոմիտեն։ Սկսված հեղափոխությունն անհետաձգելի պահանջ էր ներկայացնում ընդլայնել այդ կազմակերպությունների գործունեության շրջանակները, կազմակերպորեն և գաղափարապես ամրապնդել դրանք։

1905 թ. մայիսի սկզբներին Հաղպատ Զալալօղլի, Ուզունլար, Ունակ գյուղերի, Ալավերդու գործարանների և Հաղպատ կիսակայարանի սոցիալ-դեմոկրատական ըլիշների ներկայացուցիչների ժողովում Ստ. Շահումյանի ղեկավարությամբ ստեղծվեց ՌՍԴԲԿ Բորչալուի (Լոռիի) կապառական կոմիտեն։ Լոռիի կազմակերպության մեջ աշխատում էին Ս. էվոյանը, Ա. Կախոյանը, Աշոտ և Անուշավան Բուժմանյանները, Ս. Փիրուզյանը, Ս. Իսրայելյանը և ուրիշներ։ ՌՍԴԲԿ Լոռիի կոմիտեն հեղափոխության տարիներին դարձավ Հայաստանի ամենակենսունակ և ամենամարտական կազմակերպություններից մեկը։

Հայաստանում գործող մյուս խոշոր կազմակերպությունը՝ ՌՍԴԲԿ Երևանի կազմակերպությունն էր։ Ստ. Շահումյանը Կովկասյան միութենական կոմիտեի հանձնարարությամբ շրջագայելով Հայաստանում, Լոռիից հետո այցելում է Երևան և 1905 թ. մայիսին հիմնադրում ՌՍԴԲԿ Երևանի կոմիտեն⁶⁶։ ՌՍԴԲԿ Երևանի կազմակերպության ակտիվ անդամներից էին Գ. Սոկոլովսկին, Ա. Մախասյանը, Կ. Ալավերդյանը, Բարձանսկին, Նիխաշվիլին, Վ. Բաղդասարյանը և ուրիշներ։ Հետագայում կազմակերպությունը համալրվեց նոր ուժերով։ Երևան փոխադրվեցին Մարտիրոս Միրաքյանը (բանվոր Շանթ ծածկանունով), Ասբանազ Մուսվաթյանը, Լևոն Տեր-Հովսեփյանը, Լևոն Յաղուբյանը։

Ինչպես 1905 թ., այնպես էլ 1906—1907 թթ. Հայաստանում տեղի ունեցող գործադուլային շարժումները, գյուղացիական հիւլիթները, զինվորական ընդվզումները, աշակերտական հուլիսները ղեկավարելու և ուղղություն տալու, դաշնակցականների, «սպեցիֆիկների», հնչակյանների և օպորտունիստական հոսանքների ու կուսակցությունների, մասնավորապես մենշևիկների դեմ պայքարելու գործում ՌՍԴԲԿ տեղական կազմակերպությունները մեծ աշխատանք կատարեցին։

Հայաստանի բոլշևիկներն ակտիվ մասնակցություն ունեցան նաև համառուսական կուսակցական-բաղադրական իրադարձություններին։ Նախապատրաստվելով կուսակցության IV համագումարին, բոլշևիկյան կազմակերպությունները քաղաքական-բացատրական լայն աշխատանք ծավալեցին բանվորների շրջանում։ Տպագրվում և տարածվում էին բազմաթիվ կոչեր և թուղթիկներ, որոնց մեջ բացատրվում էր առաջիկա համագումարի նշանակությունը՝ կուսակցության միասնությունը վերականգնելու և հեղափոխական ուժերը համախմբելու գործում։

Հայաստանի բոլշևիկյան կազմակերպությունների կողմից կուսակցության IV համագումարի աշխատանքներին որպես ՌՍԴԲԿ Երևանի բոլշևիկյան

⁶⁶ Տե՛ս «Հայաստանի կոմունիստական կուսակցության պատմության ուղիղ գծեր», էջ 78—80։

կազմակերպության պատգամավոր մասնակցում էր Ստ. Շահումյանը՝ «Սուրենին» ծածկանունով, Վերադառնալով Ստոկհոլմից, Շահումյանը մայիսի վերջերին այցելեց Երևան և տեղի կոմիտեի նիստում զեկուցում տվեց IV համագումարի մասին: Հաջորդ օրը նա հանդես եկավ ավելի ընդարձակ լսարանի առաջ: Այդ զեկուցմանը մասնակցում էին քաղաքի ոչ միայն բոլշևիկյան կազմակերպության անդամներն ու առաջավոր բանվորներն, այլև ՌՍԴԲԿ Երևանի կոմիտեի հետ կապված շրջակա գյուղերի սոցիալ-դեմոկրատական կազմակերպության անդամները:

Զեկուցումից հետո Շահումյանը զրույցներ ունեցավ կազմակերպության առանձին ղեկավարների հետ և խորհուրդ տվեց աշխատանքներին ավելի լայնորեն մասնակից դարձնել բանվորներին: Այդ կապակցությամբ Շահումյանը նրանց ուշադրությունը հրավիրեց Երևան—Ուլուխանլու երկաթուղային ուղեմասի և քաղաքի արդյունաբերական ձեռնարկություններում աշխատող բանվորների վրա: Շահումյանն այցելեց նաև Գաբրիելյան եղբայրների կաշեգործարանը, ծանոթացավ բանվորների դրությանը և նրանց աշխատանքային պայմաններին: Նրա հետ կաշեգործարան այցելեցին ՌՍԴԲԿ Երևանի կոմիտեի ղեկավարներից Մարտիրոս Միրաքյանը, Ասբանազ Մուսիյանը, Արամ Շուշանյանը:

ՌՍԴԲԿ Երևանի կազմակերպությունը 1906—1907 թթ. ավելի ակտիվացրեց քաղաքական-կազմակերպական աշխատանքները քաղաքի հիմնարկ-ձեռնարկություններում և Երևանի ու Ուլուխանլուի երկաթուղայինների շրջանում: ՌՍԴԲԿ Երևանի կազմակերպության անդամներից Ուլուխանլուի երկաթուղային բանվորների մոտ հատկապես հաճախ էին լինում Մարտիրոս Միրաքյանը և Լևոն Տաղուբյանը: Նրանց այցելությունները կասկածներ հարուցեցին երկաթուղային ժանդարմերիայի մոտ: Միրաքյանի և Տաղուբյանի վրա հսկողություն սահմանվեց և 1906 թ. հունիսի 23-ին նրանք ձերբակալվեցին: Ազատվելով կալանքից, Միրաքյանը և Տաղուբյանը շարունակեցին իրենց հեղափոխական գործունեությունը: 1906 թ. սեպտեմբերին Միրաքյանը նորից ձերբակալվեց, այս անգամ՝ Ալեքսանդրապոլի կայարանում: Խուզարկության ժամանակ նրա մոտ հայտնաբերվեց անլեզալ զրահանություն, այդ թվում Վ. Ի. Լենինի «Սոցիալ-դեմոկրատիայի երկու տակտիկան դեմոկրատական հեղափոխության մեջ» աշխատությունը՝ հեղինակի առաջաբանով, երեք օրինակ: Բացի դրանից, ոստիկանության ձեռքն ընկան լեզալ և անլեզալ բոլշևիկյան թերթերի մի քանի օրինակներ, մասնավորապես «Վպերյոդո», «Պրոլետարի», «Սոցիալ դեմոկրատ», «Կավկասյանի ուրախ լիստով» թերթերը, «Ռուսաստանի սոցիալ-դեմոկրատական կուսակցության II համագումարի ընդունած ծրագիրը», «Ռուսաստանի սոցիալ-դեմոկրատական կուսակցության երկրորդ համագումարի մասին» հայտարարությունը՝ հրատարակված ՌՍԴԲԿ Կովկասյան միութենական և Բարվի կոմիտեների կողմից և հեղափոխական, կուսակցական այլ զրահանություն:

1907 թ. մայիսին խոնդոնում գումարվեց կուսակցության V համագումարը, որը հանդիսացավ բոլշևիկների խոշոր հաղթանակը բանվորական շարժման մեջ: Այս անգամ ՌՍԴԲԿ Երևանի կազմակերպության կողմից համագումարին մասնակցում էր Գ. Սոկոլովսկին: Թիֆլիսի մարզային կոմիտեի մենշևիկներին երբ հայտնի դարձավ, որ Երևանի կազմակերպությունը որպես V համագումարի պատգամավոր պատրաստվում է առաջադրել Սոկոլովսկուն, դի-

մեցին ամեն տեսակի միջոցների՝ նրա թեկնածությունը ձախողելու համար։ Սակայն այդ փորձերն անհաջողությամբ վերջացան։

1906—1907 թթ. ընթացքում լայն գործունեություն էր ծավալել նաև ՌՍԴԲԿ Բորչալուի (Լոռիի) կազմակերպությունը։ Տակավի՛ն 1906 թ. աշնանը, հոկտեմբերի 15-ին, Հաղպատում տեղի ունեցավ ՌՍԴԲԿ Բորչալուի կազմակերպության առաջին կոնֆերանսը, որը քննեց մի շարք հարցեր, այդ թվում՝ գավառական կոմիտեի հաշվետվությունը, Կոնֆերանսում ընդարձակ զեկուցումով հանդես եկավ Ստ. Շահումյանը։ 1906 թ. դեկտեմբերի 25-ին Հաղպատում տեղի ունեցավ Բորչալուի կազմակերպության երկրորդ կոնֆերանսը՝ դարձյալ Շահումյանի ղեկավարությամբ։ Կոնֆերանսը քննության առավ դումայական կամպանիայի անցկացման, բուրժուական կուսակցությունների՝ գաշնակցության դեմ տարվող պայքարն ուժեղացնելու հարցերը և այլն։ Կոնֆերանսը միաժամանակ կուսակցության V համագումարի պատգամավորներն ընտրեց, ՌՍԴԲԿ Բորչալուի (Լոռիի) կազմակերպության կողմից պատգամավորներն ընտրվեցին Ստեփան Շահումյանը և Ասատուր Կախոյանը («Բորչալիսկի» ծածկանունով)՝ վճռական ձայնով և Միխայ Ցխակայան՝ խորհրդակցական ձայնով։ Սակայն զանազան մեքենայությունների միջոցով Թիֆլիսում մենշևիկներին հաջողվեց չեղյալ հայտարարել նրանց մանդատները։ Շահումյանն ստիպված եղավ վերադառնալ Լոռի և նոր կոնֆերանս հրավիրել, որը վերընտրեց նրանց և նոր մանդատներ տվեց։ Չկարողանալով տեղում տապալել կովկասյան բոլշևիկների մանդատները, մենշևիկները, ինչպես նախորդ համագումարում, այնպես էլ V համագումարում սկսեցին վիճարկել նրանց մանդատների իսկությունը, հանձնելով դրանք մանդատային հանձնաժողովի կրկնակի քննությանը, Մինչևիկներն իրենց առարկությունները, մասնավորապես Բորչալուի կազմակերպության պատգամավորների դեմ, պատճառաբանում էին նրանով, որ այնտեղ իբր թև կազմակերպություն չկա, որը սոցիալ-դեմոկրատական աշխատանք տարած լինի։ Շահումյանը համագումարում հանդես եկավ մարտական մի ճառով և, մերկացնելով մենշևիկների արարքները, խոսեց կուսակցական-քաղաքական այն աշխատանքի մասին, որ կատարել էր ՌՍԴԲԿ Բորչալուի կազմակերպությունը։

1907 թ. մարտին Լեջանում տեղի ունեցավ ՌՍԴԲԿ Բորչալուի կազմակերպության III կոնֆերանսը, որին մասնակցում էին 13 կազմակերպությունների ներկայացուցիչներ։ Կոնֆերանսը քննարկեց կուսակցական մի շարք հարցեր և ընդունեց առանձին գյուղերի հողային հարցերին վերաբերող կոնկրետ որոշումներ։ Կոնֆերանսից հետո հրապարակվեց «Ընկերներ» կոչը, որի մեջ հաղորդվում էր տեղի ունեցած կոնֆերանսի մասին և մասսայականացվում այն որոշումները, որ ընդունվել էին Լեջանում։ ՌՍԴԲԿ Բորչալուի (Լոռիի) կազմակերպությունը որպես ղեկավար կենտրոն գոյություն ունեցավ մինչև 1909 թ.։ Հետագայում, երբ ռեակցիան ուժեղացավ, գավառային կոմիտեի աշխատանքները դադարեցին. գործում էին միայն տեղական առանձին կազմակերպություններ։

1906—1907 թթ. հեղափոխական շարժումների աստիճանական անկման տարիներին, երբ սկսվել էր հակահեղափոխական հարձակումը րանվոր դասակարգի և նրա հեղափոխական կուսակցության վրա, երբ գյուղերն էին օւղարկվում պատժել արշավախմբեր՝ ասպտամբած գյուղացիների հետ դա-

տաստան տեսնելու համար, կուսակցության խնդիրն էր պաշտպանել 1905 թ. ընթացքում ձեռք բերած նվաճումները: Այդ նպատակով կուսակցությունն աշխատում էր օգտագործել բոլոր լեզայ հնարավորությունները: Դուսման այդպիսի լավագույն հնարավորություն էր ստեղծում, ուստի բոլշևիկները որոշեցին մասնակցել և նրա ամբիոնն օգտագործել իրենց հեղափոխական նպատակների համար:

1907 թ. Հունվարին սկսվեց Երկրորդ պետական դումայի ընտրությունների կամպանիան: Հայաստանի բոլշևիկները, որ դեռևս 1906 թ. աշնանը որոշել էին ակտիվորեն մասնակցել ընտրություններին, Երևանի նահանգի կողմից պատգամավոր էին նախատեսել Գ. Սոկոլովսկուն: Այս կապակցությամբ ստանալով Կովկասյան մարզային կոմիտեի հանձնարարականը, ՌՄԴԲԿ Երևանի կազմակերպության անդամները լայն աշխատանք ծավալեցին քաղաքի և նահանգի աշխատավորության շրջանում, նրանց բոլշևիկյան քաղաքական լոզունգների շուրջը համախմբելու համար: Սակայն նահանգական իշխանությունները, պատրվակ բռնելով բնակարան վարձելու համար պայմանագիր չունենալը, ցուցակներից հանել տվեցին Սոկոլովսկուն, դրանով իսկ ձախողելով նրա թեկնածությունը:

Հետևելով իրենց հետ բավական սերտ կապված էսեռական կուսակցության օրինակին, Երկրորդ դումայի ընտրություններին մասնակցելու հայտ ներկայացրեց դաշնակցությունը: 1907 թ. սկզբներին դաշնակցական մամուլն ու նրա քաղաքական գործիչները նետվեցին պայքարի հրապարակ նրանք կոչ էին անում ամենուրեք վստահության քվե տալ «Տաճկահայերի արտասուքը սրբող, ռուսահայերի եկեղեցական գույքը պահանջող և հայ-թուրքական ընդհարումների ժամանակ ժողովրդին պաշտպանող ու փրկող» կուսակցության ներկայացուցիչներին⁶⁷, Այս ազգայնական պլատֆորմը դաշնակցականները դյուրությամբ զուգակցում էին իրենց նոր դիմափոխությանը՝ «սոցիալիստական» և «աշխատավորական» կուսակցություն դառնալու հանգամանքին:

Հունվարի վերջերին, փետրվարի սկզբներին Անդրկովկասում ավարտվեցին Երկրորդ դումայի ընտրությունները: Մասնակցելով ընտրություններին, դաշնակցականներին հաջողվեց մի շարք վայրերում անցկացնել իրենց թեկնածուներին՝ դուրս վանելով գլխավորապես հայ լիբերալ բուրժուազիայի ներկայացուցիչներին: Երևանի նահանգի կողմից Երկրորդ դումայի պատգամավորներ ընտրվեցին դաշնակցականներ Զ. Սաղաթելյանն ու Մ. Տիգրանյանը, ազդեցելովական բնակչության կողմից՝ Մահմեդ աղա Եսաթախտինսկին: Ուժեղ աթոռակով և զգալի դաշնակցականների և հայ լիբերալների միջև նյխսավետությունի նահանգում, Այստեղ 1907 թ. փետրվարի 6-ին, ընտրությունների առաջին աստիճանով անցավ Սամսոն Հարությունյանը, որի թեկնածության վրա պլենդում էր հայ լիբերալ մտավորականությունը, Սակայն դաշնակցականներին հաջողվեց Հարությունյանի փոխարեն պատգամավոր ընտրել Ս. Տեր-Ավետիսյանին:

Հետզհետե սաստկացող դասակարգային հակասությունների մթնոլորտում հասարակական շահերի բախումներն ավելի որոշակի և վճռական էին դարձնում ընտրական պայքարը դումայի շուրջը: Չնայած լիբերալների և դաշնակցության ներհակություններին ու նրանց ընդհանուր հակապոլիտարական

դիրքավորմանը, հայ բուրժուազիան զերադասում էր իր ձայնը տալ ավելի որոշակի և անսրող ծրագրերով հանդես եկող դաշնակցությանը, քան անատամ հայկական լիբերալիզմին: Կարսի մարզում անկուսակցական պատգամավոր ընտրվեց Զ. Աթաբեկյանցը, որին հայ լիբերալներն անմիջապես կազնու մկրտեցին:

Անդրկովկասում, ամբողջությամբ վերցրած, ուժերի հարաբերակցությունը վճռականորեն փոխվում էր, երբ ցարիզմին քննադատելով հանդերձ, հայ բուրժուական և մանրբուրժուական կուսակցությունները հանդես էին գալիս պրոլետարիատի և նրա կուսակցության դեմ: Միայն Քիֆլիսում, ուր դաշնակցականները բավական ուժեղ էին և ընտրական մղեկին կամպանիա էին տանում, նրանք կարողացան դումայի պատվիրակ ընտրել 24 մարդու, իսկ սոցիալ-դեմոկրատիայի կողմից ընտրվեց 52 մարդ⁶⁸, Փետրվարի 6-ին համաքաղաքային ընդհանուր ժողովում դաշնակցականների, բոլշևիկների և մենշևիկների կողմից դումայի պատվիրակության թեկնածուներ առաջադրվեցին Սիմոն Զավարյանը, Ստեփան Շահումյանը և Արշակ Զուրաբյանը:

Խուճենրամ բազմության, թղթակիցների և քաղաքային վարչության անդամների ներկայությամբ իրենց ընտրական պլատֆորմների պաշտպանությամբ հանդես եկան դաշնակցության կողմից Ս. Զավարյանն ու Գ. Խաթակյանը, մենշևիկների կողմից՝ Նոյ Ռամիշվիլին և բոլշևիկների կողմից՝ Ստ. Շահումյանը: Իր ելույթում Ստ. Շահումյանը, մերկացնելով դաշնակցությանը, սուր քննադատության ենթարկեց նաև մենշևիկներին: Մասնավորելով իր խոսքը մենշևիկների կողմից ներկայացվող ընտրական ծնակադիր՝ մասին, Ստ. Շահումյանը ցույց էր տալիս, որ հրավիրվելիք դուման չի կարող դառնալ օրդանական գործունեության ասպարեզ: Սակայն փետրվարի 6-ի ժողովում մենշևիկների բազմաթիվ մեքենայությունների հետևանքով դումայի պատգամավոր ընտրվեց Արշակ Զուրաբյանը:

Ինչպես առաջին, այնպես էլ երկրորդ Պետական դումայի քննարկման գլխավոր հարցերից էր ազդարարյին-գյուղացիական հարցը:

Երկրորդ պետական դումայի նիստերում արծարծված կովկասյան իրականության ցավոտ հարցերից էր երկրամասում զեմստովո մտցնելու խնդիրը, որը դումայից առաջ էր ծագել: Տակավին դարասկզբին, հայկական, վրացական, ադրբեջանական մամուլը բարձրացնում էր այդ հարցը, որը, սակայն, Գոլիցինի ժամանակ կառավարական բարձր ոլորտները չհասավ: Փոխարքա Վորոնցով-Դաշկովի խոստումներով քաջալերված և ռուսական լիբերալ մամուլի համակրական վերաբերմունքից սրտադեղված բուրժուական մամուլի տեղական օրգաններն այդ հարցը նոր ուժով բարձրացրին: Եվ իրոք, երկրորդ դումայի առաջին քննության առարկաներից մեկը զեմստովոյի հարցն էր, որի նախաձեռնությունն իրենց վրա վերցրին կադետները:

Երկրորդ պետական դումայում Զ. Աթաբեկյանցը, ունենալով կազնու պատգամավորների աջակցությունը, բարձրացրեց Կարս քաղաքում տեղական ինքնավարություն մտցնելու խնդիրը, Հատուկ գրությանը Աթաբեկյանցը բացատրեց, որ չնայած իր աշխարհագրական, ռազմական և տնտեսական նշանակությանը, որպես Ռուսաստանի և Թուրքիայի մերձեցուցիչ օղակ, և բան հազար բնակչությանը, Կարթը շարունակում է կառավարվել ոստիկանական

68 Տե՛ս Զ. Հակոբյան, Երկերի ժողովածու, հ. 2, Երևան, 1958, էջ 214—215:

վարչության կողմից: Նա հիշեցնում էր, որ տակավին XIX դարի վերջերից սկսած այս հարցը մի քանի անգամ դրվել էր Կովկասի կառավարչապետների առջև: Նույնիսկ 1905 թ. մարտի 10-ին մարզի ղինվորական նահանգապետը փոխարքային ներկայացրել էր այդ խնդիրը և մատնանշել զրա լուծման անհրաժեշտությունը: Սակայն փոխարքայի և պետական խորհրդի միջև տեղի ունեցած քաջքշուկի պատճառով հարցը առկախ էր մնացել, և այժմ Աթաբեկյանցը դումայի միջոցով պահանջում էր շսպասել «մինչև ինքնավարությունների վերաբերյալ նոր և կատարելագործված օրենսդրություն մշակելը, մշտեցրեն Կարս քաղաքում ինքնավարություն՝ համաձայն 1892 թ. հունիսի 11-ի օրենքի»:

Աթաբեկյանցի առաջարկը նախապես քննվել էր կադետական կուսակցության օրենսդրական հանձնաժողովում և ստորագրված էր 37 մեծ ու փոքր կադետների կողմից, որոնցից նշանավոր էին Ռոդիչևը, Սարուվեն, Կիզևետրերը, Մակակովը, Տեսլենկոն, Դոլգորուկովը, Աճեմյանը և ուրիշներ⁶⁹:

1907 թ. ապրիլին Աթաբեկյանցը դումային ներկայացրեց մանրամասնորեն շարադրված մի այլ ղեկուցագիր, որով միևնույն խորհրդի նախագահից պահանջում էր Կովկասում կիրառելու համար շտապ կերպով քննարկման դնել մի շարք հարցեր, այդ թվում. 1. փոխարքայի խորհուրդը փոխարինել ժողովրդից ընտրված խորհրդակցական մարմնով, 2. բարեփոխել Կովկասում գոյություն ունեցող զավառական ոստիկանական հաստատությունները, 3. բարեփոխել գյուղական դատարանները և մայրենի լեզու մտցնել տեղական գյուղական դատարաններում, 4. Կարսի և Բաթումի ղինվորական-ժողովրդական դատարանները վերացնել, 5. մայրենի լեզվով դասավանդություն՝ տարրական և ժողովրդական ուսումնարաններում և տեղական լեզուների դասավանդման կանոնավորումը՝ միջնակարգ ուսումնարաններում, 6. վերանայել գոյություն ունեցող ջրաբաշխական օրենքները, 7. դադարեցնել Ռուսաստանի ներքին նահանգներից վերաբնակիչների հոսանքը Կովկաս, 8. վերացնել դուղացիների և կավաժատերերի միջև գոյություն ունեցող ժամանակավոր պարտավորյալ վիճակը և այլն:

Դումայի նիստերում, նրա առանձին հանձնաժողովներում ելույթներ ունեցան նաև Զ. Սաղաթելյանը, Ս. Տիգրանյանը, Մ. Շախտախտինսկին, Ս. Տեր-Ավետիսյանը՝ տնտեսական, մատակարարական, ազգային-մշակութային խնդիրների, ռազմադաշտային դատարանների վերացման ու պարտադիր ուսուցում մտցնելու, բյուջեի, ազրարային և այլ հարցերի շուրջը՝ համապատասխան իրենց դասակարգային ըմբռնումներով:

Վ. Ի. Լենինը ուսական առաջին հեղափոխության տարիներին հանդես եկած կուսակցությունների ագրարային ծրագրի քննադատությանը նվիրված աշխատության մեջ անդրադարձել է նաև Զ. Սաղաթելյանի և Ս. Տեր-Ավետիսյանի ելույթներին: Նա ցույց է տվել, որ հիշյալ պատգամավորները, մասնավորապես Զ. Սաղաթելյանը, բառացիորեն կրկնել են էսեռական կուսակցության ագրարային ծրագրի ուսույթիստական և ըստ էության սեռակցիկոն մշտեցրը՝ համայնքն անձեռնմխելի թողնելու անհրաժեշտության մասին՝ մանր

⁶⁹ Տե՛ս «Государственная Дума, второй созыв, стенографические отчеты», т. 1, СПб., 1907, стр. 985.

տնտեսությունները կապիտալիզմի ավերիչ ներգործությունից պահպանելու համար⁷⁰;

Անդրկովկասյան պատգամավորներից անհամեմատ ավելի հաջող ելույթներ ունեցավ Ա. Զուրաբյանը։ Առաջին անգամ նա դումայում հանդես եկավ մարտի 27-ին՝ բյուջեի հոգվածների քննարկման հարցերի կապակցությամբ։ Հեզներով կաղնեական ճառախոսներին, Զուրաբյանը հայտարարեց, որ խոսք կարող է լինել ոչ թե դումայի ունեցած մեծագույն ֆինանսական իրավունքների, այլ ալգայիսի բուլբուլին շունենալու մասին։ Անցներով բյուջեի եկամուտների աղբյուրների հարցին, նա բացահայտեց այն կեղեքումը, որին ենթարկվում էին ժողովրդական մասսաներն ուղղակի և անուղղակի հարկման հետևանքով։ Երկրում բռնկված սովի և աղքատության պայմաններում, երբ միլիոնավոր գյուղացիներ անոթությունից ուռում էին, իսկ բանվորների մեծ համատարած գործադրկություն էր տիրում, կառավարության փորձը՝ դումայի հավանությանը ավելացնել պետական հարկերը, Զուրաբյանը համեմատեց անտիկ ժամանակաշրջանին բնորոշ՝ ստրկատերերի վերաբերմունքին՝ ստրուկների նկատմամբ⁷¹։

Ապրիլի 16-ի դումայի փակ նիստում, երբ զինվորական մինիստր Ռեդիգերի ներկայությամբ քննարկվում էր նորակոչիկների հարցը, Ա. Զուրաբյանը վեր հանեց ռազմաճակատներում միապետական զորքի պարտությունների բուն պատճառները և պերճախոս փաստերով ցույց տվեց սպանների դաժանությունը զինվորների նկատմամբ։ Զուրաբյանի ելույթը բուռն ոգևորություն առաջացրեց դումայում, ձախերն ուժգնորեն ծափահարեցին, աչքերը բողբոջեցին և աղաղակեցին, նախագահը «կարգի հրավիրեց» զահլիճը և երեք անգամ դիտողություն արեց ճառախոսին՝ բանակին ապստամբության կոչեր ուղղելու համար։ Չնայած դումայի նիստը փակ էր, այնուամենայնիվ այնտեղ տեղի ունեցած աղմկահույզ վիճարանությունների լուրերը թափանցեցին մամուլի էջերը և Ա. Զուրաբյանի ելույթը առիթ դարձավ, որ սահարյուրակային թերթերը «հայ պատգամավորի կողմից բանակի արժանապատվությունը վիրավորելու համար» հակահայկական նոր արշավանք սկսեն⁷²։

1907 թ. մայիսի 24-ին դումայում Կովկասի կապակցությամբ առաջացած հարցապնդման ժամանակ, Զուրաբյանն ունեցավ իր վերջին ելույթը։ Մերկացնելով Արևմտյան Վրաստանի գյուղերում կազակային արշավախմբերի բռնությունները, Զուրաբյանը ցույց տվեց, որ փոխարքայի ներկայացուցչի՝ դումային տված բացատրությունները, թե պատժախմբերը ետ են կանչված, հիմքից զուրկ են և իրականությանը չեն համապատասխանում։ Հետո էլ անցնելով Հայաստանի գյուղերին, սկսեց ընթերցել Երեսովետպոլի նահանգում գործող կազակային զորամասերի կատարած բազմաթիվ վայրագությունների և քսոմենելի զեպերի նկարագրություններով լի հեռագրեր⁷³։

70 ՏՃ՝ Վ. Ի. Լենին, *ԵԺ*, հ. 16, էջ 471—472։

71 ՏՃ՝ «Государственная Дума, второй созыв, стенографические отчеты», т. I, стр. 1161.

72 ՏՃ՝ «Государственная Дума, указатель к стенографическим отчетам, второй созыв», 1907, СПб., стр. 81; նաև տՃ՝ «Մշակ», 1907, № 36։

73 ՏՃ՝ «Государственная Дума, второй созыв, стенографические отчеты», т. II, СПб., 1907, стр. 1079—1084.

Երկրորդ դուման ևս շարդարացրեց նիկոլայ II-ի հույսերը, ուստի ցարը որոշեց ցրել նաև այս դուման: 1907 թ. հունիսի 1-ին կառավարության ղեկավար Ստոլիպինը փակ նիստում պահանջեց զուսմայից անմիջապես արտաքսել սոցիալ-դեմոկրատական Ֆրակցիայի բոլոր 65 անդամներին և ստահող մեղադրանք ներկայացնելով «պետական դավաճանության» մեջ, նրանց բանտարկել տվեց:

1907 թ. հունիսի 3-ին օրենք հրատարակվեց պետական դուման ցրելու և Երրորդ դումա հրավիրելու մասին: Այդ նոր օրենքով բանվորների և գյուղացիների ընտրական իրավունքներն ավելի սահմանափակվեցին: Դրանով իսկ Ստոլիպինը պետական հեղաշրջում կատարեց, որովհետև կառավարությունը, խախտելով դումայի օրենսդիր իրավունքը, օրենք հրատարակեց առանց նրա գիտության:

1907 թ. հունիսերեքյան հեղաշրջումով ավարտվեց Ռուսաստանի առաջին ժողովրդական հեղափոխությունը, Հեղափոխությունը պարտվեց. ռեակցիան ժամանակավոր հաղթանակ տարավ, մինչև որ սկսվեց հեղափոխական շարժումների նոր վերելքը:

Հեղափոխության պարտության հիմնական պատճառն այն էր, որ չհաջողվեց միասնական հեղափոխական հոսանքի մեջ միավորել բանվորներին, գյուղացիներին և զինվորներին ելույթները:

1905—1907 թվականների ռուսական առաջին բուրժուազեմոկրատական հեղափոխությունը հերոսական զոտեմարտերի մի ամբողջ շրջան էր: Հեղափոխությունը, խաբխելով ցարիզմի հիմքերը, լուրջ հարվածներ հասցրեց նաև համաշխարհային իմպերիալիզմի օրստեմին: Նրա ազդեցությամբ բանվորական շարժումներ ծավալվեցին եվրոպական մի շարք երկրներում: 1905 թ. հեղափոխությունը ուժեղ թափ հաղորդեց նաև Ասիայում տեղի ունեցող ազգային-ազատագրական և դեմոկրատական շարժումներին:

1905 թ. հեղափոխությունը մեծագույն իրադարձություն լինելով Ռուսաստանի ժողովուրդների կյանքում, միաժամանակ 1917 թ. Հոկտեմբերյան սոցիալիստական մեծ հեղափոխության զլխավոր փորձը հանդիսացավ:

1905—1907 թթ. հեղափոխությունը սկսվելով Ռուսաստանի կենտրոնում, լայն արձագանք գտավ նաև ազգային ծայրամասերում, այդ թվում՝ Հայաստանում: Հեղափոխությունը ինչպես Ռուսաստանի, այնպես էլ Հայ ժողովրդի պատմության մեջ նոր կարևոր էջ բացեց: Այն սթափեցրեց և ոտքի հանեց ազգային սահմանափակ կյանքով ապրող փոքր ժողովուրդներին, ցույց տվեց, որ նրանց, ինչպես և Հայ ժողովրդի ազատագրումը, հնարավոր է միայն Ռուսաստանի բոլոր ճնշված ժողովուրդների համատեղ պայքարով: